



## **Universitätsbibliothek Paderborn**

### **Opvs De Ivdiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos & Festos, ab ipso Auctore confectus

**Stengel, Georg**

**Ingolstadii, 1651**

4. Cur? & quomodo honorandi sint benefactores?

**urn:nbn:de:hbz:466:1-45699**

394 Cap. XXVI. Honor coniugibus, dominis, benefactoribus,  
inopem derelinquas illum. M. Crassus magnam seruorum turbam  
domi alebat, & præcipuam eorum agebat curam, discentibus a-  
ctans interdum, & docens eos; dicebatque: *Hanc oportere præci-  
puam esse patris familias sollicitudinem, nosse, quot sint rei familiarium  
animata instrumenta.* Utinam & nostri domini ita agerent, ne dici  
possit, seruis nullum otium; sed Christiane illis inuigilarent, eosque  
docerent, cum doctrina sacra, bonos mores, neque à templis ad-  
eundis impedirent! haberent tunc non rei tantum familiaris, sed  
etiam salutis suæ animata instrumenta, vna enim orarent, vna  
laudarent Deum; iste clementer & piè iubendo, ille libenter & san-  
ctè obediendo. Quales fuere SS. martyres Vitalis & Agricola,  
quorum martyrium describit S. Ambrosius. Nam prior horum  
posterioris seruus fuit, sed talis seruus, ut etiam consors & marty-  
rij collega esse vellat; in quem persecutores omnia tormentorum  
genera exercuerunt, ita ut non esset in corpore eius sine vulnera,  
locus: quæ constanter perferens, in oratione spiritum Deo reddi-  
dit. Agricola autem plurimis vndique clavis eruci immaniter af-  
fixus interemptus est. Vna passi, vna sepulti, vna sunt coronati,  
Translationi eorum S. Ambrosius, cum Bononiæ interesset, martyris  
clausos, sanguinem triumphalem, & crucis lignum se colle-  
gisse refert, ac sub sacris altaribus condidisse.

Baren. in  
Martyrolog.  
Roman. 4.  
Neuemb.

IV.  
Cic. lib. 1. de  
effic.

Plant. in Rud.

Judic. 13. 37.  
Tob. 12. 1.

6. Benefactoribus iure naturæ dandus est honos: alio-  
quin enim ingratia animi vitium incurrimus. Nam si ea que uenda  
aceperimus, maiore mensura reddimus: quid beneficio provocatis facere  
debemus? an non imitari agros fertiles, qui multò plus adferunt, quam  
aceperant? ait Tullius. Et Poëta. *Quod bene sit bonis, haud perit.*  
Et potest quidem varijs modis gratia pro gratia rependi, potest  
par pari reddi; potest reddi pro plumbo aurum; potest quis ab an-  
tro reddendo excusari: sed ab honore reponendo nemo excusat:ur;  
omnes possunt honorare suum benefactorem; dum cuius liberalita-  
tem ac beneficia prædicant; dum ei gratias habent; dum, quod be-  
nefactum est, non obliuiscuntur; dum quocumque modo eum co-  
lunt; quo pacto non solum Manue voluit honorare Angelum sibi  
apparentem, sed etiam Tobias Raphaëlem, de quo ad filium dixit  
pater: *Quid possumus dare viro isti sancto, qui venit tecum?* Et re-  
spondens Tobias dixit patris suo: *Pater, quam mercedem dabinous ei: aut  
quid*

quid dignum poterit esse beneficis eius? Et recensuit beneficia accu-  
ratè. Abraham victoria & spolijs latus, quo honore acceptus est à Gen. 14. 17.  
Rege Sodomorum? qua gratulatione & pompa? Ruth quantâ Rush. 2. 10.  
reuerentiâ cadens in faciem suam, & adorans super terram, dixit ad  
sum: Vnde mihi hoc, ut inuenirem gratiam ante oculos tuos? &c. In-  
numera sunt exempla sacra & profana eorum, qui benefactores  
suos honorauerunt. Ægyptij non Dijs tantum, aut hominibus,  
sed ipsis quoque brutis animalibus grati esse voluerunt. Romulus  
& Remus, cùm expositi ad Tiberim essent, & à lupa nutriti, eius  
beneficij memores Lupæ simulachrum Romæ posuerunt. Quid Marc. 10: 42.  
miremur, Deum dixisse, eum, qui haustum aquæ frigidæ, nomine  
suo, porrigeret, mercedem non perditurum? Agrippa cùm Ro-  
mæ esset, atq; eum ob falsas suspiciones Tiberius catenis ante pala-  
cium ad arborem vinciri iussisset, vt inde in carcere duceretur; eo  
in loco, propter solis ardorem, animique molestiam, magna siti  
torquebatur, vt Baptista Fulgosus narrat. Ibi ergo prætereuntem  
Taumastem vidit Caij seruum, aquæ prægelidae vas ferentem; o-  
rauit, vt bibere se fineret. Quod ille amanter cùm fecisset, dixit  
Agrippa, se pro hac re gratiam aliquando ei relaturum. Haud  
multò pòst igitur Tiberio Caius in principatu successit, à quo A-  
grippa, qui in eius contemptum captus fuerat, liberatus, atque in  
Iudæa rex constitutus fuit, qui tunc à Caio impetravit, vt eius pre-  
cibus Taumastes liberaretur. Itaque postea in suorum numerum  
acceptum, regni procuratorem fecit: moriensque testamento ca-  
uit, vt vxor atque liberi, eodem apud se loco Taumastem retine-  
rent. Si ergo & Agrippa, & Deus ipse pro frigida aqua honorant  
dantem, an non pro maioribus beneficijs, maior quoque honos  
erit rependendus? Creditori præter sortem numeramus extra or-  
dinem; beneficiorum usum cur esse gratuitum iudicemus? Quia,  
vt Aristoteles ait, *lauis & gratiarum actio debetur danti*; sicut enim Aristot. lib. 4.  
mensarij non grauatum reddit deposita pignora, vt quæ in hoc Ethic.  
ipsum acceperint, vt restituant; sic nos, quod ab alijs accepimus.  
Enim verò, vt faba & lupinum non exhaustit, sed stercorat agrum,  
ita gratus, & refert, quod accepit, & meliorem reddit fortunam  
eius, à quo beneficio adiuuatur: cùm autem gratia tanta referri  
non potest, quanta debetur, habenda tamen tanta est, quantam

maxi-

Vide Sene-  
cam de bene-  
ficijs.

maximam animus capere potest. Verum de hoc argumento, ij qui de beneficijs, & gratitudine scripsere, prolixè disputarunt. Nobis ea cura esse debet, vt benefacta non solum non occultemur, aut male locata dici patiamur; verum etiam, vt delicta ipsa aliorum in nos pensemus benefactis.

## V.

Eccl. 38.1.

7. Rerum peritis honorem deberi, inde notum est, quia honestus ipse nihil est aliud, quam testimonium excellentiarum; peritia autem rerum utique est quadam excellentia. Hinc in scholis Bachelarii, Magistri, Doctores creantur; neque ipsi opifices antem magistrorum vocantur, quam peritiæ suæ specimen ediderunt. Tantum autem isti magis honore digni sunt, quia sunt saltem in certo genere sapientes. Dicitur enim belli dux sapiens miles, dicitur sapiens pictor, sapiens architectus. Cur autem dicitur: *Honora medicum, propter necessitatem, & non potius propter excellentiam, aut sapientiam?* ex necessitate nimirum medici monemur, ne pari in illum simus, quæ si non esset, parum illi ob sapientiam, aut excellentiam suam daremus. Nunc autem ex necessitate illius existamus ad diuinam sapientiam excellentiamque laudandum. Quamobrem non dicitur tantum: *Honora medicum propter necessitatem, sed additur mox causa illa: etenim illum creavit Aliximus.* A Deo est enim omnis medela, & à rege accipiet donationem. Qualem accepit Theombrotus medicus, seu, ut alij eum nominant, Erasistratus, ab Antiocho rege, quem talentis centum sanauit. Manilius Cornutus, prouincie Aquitanie legatus, mentagra fœdissima corruptus, & sanitati restitutus, Medico, honorarij nomine, persoluit ducenta sestertia, quæ summa est nostrorum aureorum 4000. Erasistratus, ob Antiochum ab insano amore male sanitum, à Seleuco patre eius donatus est sexaginta millibus aureorum. Recentiora sunt exempla. Thadæus Florentinus Medicus, in tanta fuit autoritate, ut extra urbem proficisci sepe in singulos dies numerarentur 50. coronati, & ad Papam Honorium IV. ab eo habuerit 100. Itaque toro, quo valetudinis illius curam gessit, tempore, fertur decem millia coronarum collegiis. Petrus etiam Apponensis, medicus Patavinus, numquam valetudinis curandæ causa ad regnos extra urbem Bononiensem vocatus prodidit, quin acceperit dietim 50. coronatos. Et sunt qui dicant cum deo;

Vide Philipp.  
Camerar.  
cent. I.  
Horar. sub-  
secim. c. 4.